

Na drugu njezelu pó swětej Tšojosći

BIBLISKI VOTUM – GRONO TYŽENJA

Kristus groni: Pójźćo ku mnjo wšykne, kenž chamne a hobšěžkane sćo, a ja cu was hochłóziš.

Matejus 11, 28

EPISTOLA

w lišće Pawoła na Hefezarjow we 2. stawje

¹⁷ Kristus jo pšišel a měr zapowědał we ewangeliumje wam, ako daloko wót nas stójali sćo, a měr tym, ako nam blisko stójali su. ¹⁸ Pšeto pšez njogo mamy, jadne ak te druge, w j a d n o m Duchu pšistup k Wóšcoju. ¹⁹ Toś njejsćo něto wěcej cuzniki a gósci, ale tym swětym rowne měsćańce a Bóže domacniki; ²⁰ což jo załožone na pósly a profety, dokulaž jo Jezus Kristus sam ten rozny kamjeń, ²¹ na kótaremž rosćo ta ceła twar gromadu zwězana k swětemu templu we Knězu. ²² Pšez njogo sćo tež wy sobu stwarjone k Bóžemu hobydlenju we Duchu.

Hefezarje 2, 17–22

HALELUJA

Haleluja.

Hutšobnje lubo ja ší mam, KNĚŽO, mója móc! Kněžo, mójo kamjenišćo, mój grod, mój Humóžnik.

Haleluja.

Psalm 18, 2

EWANGELIUM

pla Lukasa we 14. stawje

[¹⁵ Jaden, tych sobu za blidom sejžecych, groni Jezusoju: "Zbóžny jo, kenž ten klěb jě we Bóžem kralejstwje."]

¹⁶ Jezus źašo: "Jaden luž zgótowa wjeliku góscinu a kazašo wjelim na nju.

¹⁷ A hupósła swójogo služabnika wen we tej štunže teje gósciny, gronit tym kazany: Pšížćo, pšeto wšykno jo južo gótowe. ¹⁸ A wóni chopichu wšykne jaden za drugim se zagranjaš. Prědny gronjašo k njomu: Som se rolu kupił a debu wen hyš ju hoglědat; pšosym ší, zagroń mě. ¹⁹ A drugi gronjašo: Som sebje pěš pšěg wołow kupił a du sebje něnt je hoglědat; pšosym ší, zagroń mě. ²⁰ A ten tšeši gronjašo: Som se žeńsku brał a togodla njamógu pšíš. ²¹ A služabnik pšíže slědk a hupowěda to swójomu knězu. Toś rozgniwa se ten góspodař a źašo k swójomu služabnikoju: Ži ned wen na te drogi a gase togo města, a pšiwjež te chude a pobědne, te chrome a slěpe how. ²² A ten služabnik źašo: Kněžo, wóno jo se stanulo, ako sy pšíkazał, ale wóno jo hyšći ruma dosć. ²³ A ten kněz źašo k tomu služabnikoju: Ži wen na te drogi a ku tym płotam a spóraj jich nutś, aby poľna była mója wjaža. ²⁴ Pšeto ja źeju wam, až žeden tych kazanych luži, móju wjacerju hoptaś njebužo."

Lukas 14, [15] 16–24

MÓDLITWA

1. Tebje, wšogomócnego Boga, pšosymy: Daj swójej wósaže ten swěty Duch, aby se twójo słowo pšispórjało mjazy nami, aby tebje służyli w hobstawnej wěrje, a w huznašu twójogo mjenja hužaržali až do kónca, pšez našogo Kněza Jezom Kristusa, twójogo Syna, kenž jo z tobu a ze swětym Duchom žywy a se kněžy wót nimjernosći do nimjernosći. Amen.
2. Kněz a Bog, ty nas kažoš do swójogo domu na twójo słowo k twójomu blidu. Pšosymy tebje: Daj nam rad pšebywaš we twójom domje. Daj našu wěru rosć pšez prjatkowanje twójogo słowa a daj nam wodawanje namakaš pši twójom bliže, pšez našogo Kněza Jezom Kristusa. Amen.